



## SYARAHAN UMUM SEMINAR INDUSTRI 4.0 POTENSI

Oleh : Mohd Basri Basir

Gelombang Revolusi Industri Keempat (4.0) yang melewati dunia global kini masih di tahap sederhana malah dalam kalangan warga akademik juga, tidak jelas mengenai Revolusi Industri 4.0 ini.

Universiti dan industri perlu memainkan peranan dalam usaha mendidik masyarakat untuk membudayakan pemahaman Revolusi Industri 4.0 dalam kalangan bagi memastikan mereka cukup bersedia menghadapi dunia yang semakin mencabar.

Naib Canselor UniMAP, Dato' Prof. Dr. Zul Azhar Zahid Jamal, berkata, dalam era yang semakin maju ini, kita semua dituntut supaya lebih kreatif dan inovatif bagi terus kekal relevan dalam keadaan semasa.

"Kita sebenarnya telah melaksanakan dasar dan inisiatif yang proaktif dengan mengambil kira Pelan Tindakan Pendidikan Malaysia (Malaysian Education Blueprint), status autonomi kami, dan rancangan strategik 2025 UniMAP.

"Dengan mengoptimalkan sumber dalaman dan hubungan luar, saya yakin bahawa UniMAP boleh berkembang maju dalam era Industri 4.0 dan membuat banyak perbezaan positif di dunia," katanya ketika menyampaikan ucapan Perasmian Seminar Seminar Pentadbir Profesional di Bilik Siantan, Pusat Pengajian Kejuruteraan Pembuatan, di sini.

Turut hadir, Pengerusi Lembaga Pengarah Universiti Malaysia Perlis, Datuk Dr. Mohd Sofi Osman dan Presiden Persatuan Pegawai Tadbir dan Ikhtisas (POTENSI), UniMAP.

